



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO



Datë: 26.01.2026
Numër Protokolli: 411/2026

A.nr.1912/2025

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Eshref Shabani, kryetar Ardita Haxhnikaj-Demi, dhe Malsore Gashi-Bajraktari anëtarë, me Ilire Mehmeti-Shaqiri, në cilësinë e procesmbajtëses, ka shqyrtuar ankesën A.nr.1912/2025 të datës 17.11.2025, të parashtruar nga ankuesi B.M, kundër organit të punësimit Ministria e Punëve të Jashtme dhe Diasporës, në çështjen juridike “*shkelje e të drejtës në pagë*”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, i ndryshuar dhe plotësuar me Ligjin Nr.08/L-180 si dhe në mbështetje me dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 26.01.2026, mori këtë:

V E N D I M

Hedhet poshtë si e parakohshme ankesa numër A.nr.1912/2025, e datës 17.11.2025, e parashtruar nga ankuesi B.M.

A r s y e t i m

Nëpunësi civil B.M (*tutje referuar vetëm ankuesi*), më datë 17.11.2025, kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër ndryshim dhe plotësimit të aktit të emërimit lidhur me ndryshimin e koeficientit.

Këshilli i Pavarur Mbikëqyrës për Shërbimin Civil të Kosovës (*tutje Këshilli*) bazuar në dispozitat e Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me date 25.11.2025 ka procedura kërkesën për përgjigje në ankesë tek Ministria e Punëve të Jashtme dhe Diasporës, ndërsa kjo e fundit me date 02.12.2025 ka dërguar përgjigje në ankesë së bashku më provat referuar çështjes në procedurë ankimore.

Kolegji për Shqyrtimin dhe Vendosjen e Ankesave, për shqyrtimin e kësaj lënde ka administruar këto prova: Ankesën më numër protokolli 7390/2025 të datës 17.11.2025, e parashtruar nga ankuesi në Këshillin e Pavarur Mbikëqyrës të Shërbimit Civil të Kosovës; Dokumentin e identifikimit të ankuesit; Akt emërimit me numër 1295/2025 të datës 14.10.2025; Akt emërimit e datës 06.12.2012; Ndryshim dhe plotësimin e aktit të emërimit me numër 068/2014 të datës 08.12.2014; Vendimin me numër REf.421/2025 të datës 01.10.2025 për sistemimin e përkohshëm pas përfundimit të mandatit;

Vendimin me numër 435/2025 të datës 09.10.2025; Përshkrimin e detyrave të punës për klasën drejtuese të ulët; Kërkesën me numër 3824 të datës 20.10.2025 të parashtruar nga ankuesi te organi i punësimit; Kërkesën për përgjigje në ankesë të datës 25.11.2025; Përgjigjen në ankesë me numër protokoli 1912/2025 të datës 02.12.2025; Vendimin me numër 214/2022 të datës 01.02.2022; Vendimin me numër 1144/2022 të datës 28.07.2022 për plotësim dhe ndryshim te vendimit Nr.304 të datës 24.02.2022; Kontratën e marrëdhënies të punës me numër 095/2009 të datës 02.02.2009; Kontratën e marrëdhënies se punës me numër 182/2011 të datës 01.02.2011; Akt emërimit me numër 068 të datës 06.12.2012; Ndryshim dhe plotësimi i aktit të emërimit me numër 068/2014; Vendimin me numër 300/2021 të datës 31.08.2021; Vendimin me numër 230/2025 të datës 27.08.2025;

Kolegji i Këshillit pas shqyrtimit dhe analizimit të shkresave të lëndës të parashtruara nga palët në procedurë, ka gjetur se ankesa e ankuesit është e parakohshme, **sepse**:

Nga administrimi i provave të lëndës, Kolegji i Këshillit, ka gjetur se ankuesi është punësuar në Ministrinë e Punëve të Jashtme dhe Diasporës, dhe se i njëjti sipas akt emërimit me numër 068 mbante pozitën Zyrtar i Larte Certifikues me koeficient 8, ndërsa me vendimin me numër 068/2014 të Sekretarit të Përgjithshëm në Ministrinë e Punëve të Jashtme, duke u bazuar në shkresën e MAP të datës 20.11.2014 nr.DASHC/MAP-04/571 ankuesit i ngritët koeficienti nga 8 në 9. Tutje me datën 31.08.2021 Zv. Kryemistria e Punëve të Jashtme merr vendimin me numër Ref.300/2021 me të cilin ankuesin e cakton të shërbej në Misionin Konsullor të Republikës së Kosovës në Milano/Itali me mandat 4 vjeçar, ndërsa pas kthimit të ankuesit nga misioni sipas vendimit me numër 421/2025 të datës 01.10.2025 ankuesi sistemohet në pozitën e punës “Zyrtar i Lartë për Financa” në Divizionin e Financave në Ministrinë e Punëve të Jashtme dhe Diasporës, ndërsa me datën 14.10.2025 ankuesi e nënshkruan aktin e emërimit për pozitën e punës “Zyrtar i Lartë Certifikues”.

Ankuesi më datë 20.10.2025, është drejtuar me kërkesë Sekretarit të Përgjithshëm dhe Udhëheqësit të Njësisë për Burime Njerëzore në Ministrinë e Punëve të Jashtme dhe Diasporës, që pas kthimit të tij nga misioni i është ndryshuar koeficienti i pagës dhe kërkon që të paguhet sipas koeficientit paraprak, mirëpo nuk ka marre asnjë përgjigje nga organi i punësimit, ndërsa me datë 17.11.2025 2025 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendim se pozita të cilën mbanë ankuesi është pozitë me shumë përgjegjësi dhe duhet të paguhet sipas koeficientit paraprak.

Kolegji i Këshillit lidhur me pranueshmërinë e ankesës së ankueses, ju referua dispozitave të Ligjit Nr.05/L-031 për Procedurën e Përgjithshme Administrative, gjegjësisht nenin 98 paragrafin 1 dhe 2, ku përcaktohet se: *1. Procedura administrative nisur sipas kërkesës, do të përfundojë sa më shpejt që të jetë e mundur, por jo më vonë se sa afati i përcaktuar me ligj të veçantë për atë lloj procedure. 2. Në rast se ligji i veçantë nuk ka paraparë një afat, siç është paraparë në paragrafin 1 të këtij neni, afati i përgjithshëm i zbatueshëm për përfundimin e procedurës administrative është dyzetepesë (45) ditë nga fillimi i saj, si dhe nenit 127 paragrafi 1 dhe 4 i të njëjtët ligj ku përcaktohet se: “1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ. 4. Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ...”* e në kuptim të këtyre dispozitave ligjore si dhe duke u bazuar në shkresat e lëndës, Kolegji konstaton se ankesa e ankuesit e parashtruar në Këshill më datë 17.11.2025 është e paraafatshme, pasi që ankuesit ende pa kaluar afati ligjor për përfundimin e procedurës administrative të iniciuar sipas kërkesës së datës 20.10.2025 dhe rrjedhimisht ende pa u përmbushur kriteri kohor lidhur me heshtjen administrative parashtron ankesë në Këshillin e Pavarur Mbikëqyrës për Shërbimin Civil të Kosovës. Andaj, mbi këtë bazë konstatimi, Kolegji vlerëson se ankesa e ankuesit është pa pranueshme në

kuptim të nenit 129 paragrafi 1 nën paragrafi 1.3 të Nr.05/L-031 për Procedurën e Përgjithshme Administrative.

Në kontekst të mbrojtjes së të drejtave nga marrëdhënia e punës, Kolegji thekson faktin se hedhja poshtë e ankesës A.nr.1912/2025, nuk nënkupton mohimin e së drejtës së ankueses që e njëjta serish të parashtojë kërkesë me bazë të njëjtë pranë organit të punësimit, e në rast të heshtjes së serishme administrative të këtij të fundit të ushtrojë ankesë në Këshillin e Pavarur Mbikëqyrës për Shërbimin Civil të Kosovës brenda afateve ligjore për heshtje dhe çdo herë duke respektuar afatet e parashkrimit të kërkesave të natyrës materiale sipas ligjit në fuqi të punës.

Kështu që, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi dispozitivin të këtij vendimi.

Këshillë juridike: Vendimi hyn në fuqi ditën e nënshkrimit nga Kryetarja e Kolegjit. Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda, A.nr.1912/2025

Ilire Mehmeti-Shaqiri

Procesmbajtëse

Eshref Shabani

Kryetar i Kolegjit

Vendimi i dërgohet:

- Ankuesit B.M;
- Udhëheqësit të Njesisë së Burimeve Njerëzore në Ministrinë e Punëve të Jashtme dhe Diasporës;
- Arkivit të KPMSHCK-së.